

Mynediad i'r Ysgol

Pryd all fy mhlentyn ddechrau yn yr ysgol?

Meithrinfa Cyn Ysgol Rhan Amser

Mae'r Awdurdod yn cynnig Addysg Feithrin ddi-dâl i blant yn y tymor yn dilyn eu trydydd pen-blwydd am weddill y flwyddyn Ysgol. Cynigir y lleoedd gan bartneriaid yn y sectorau gwirfoddol ac annibynnol sydd wedi cofrestru gyda'r Bartneriaeth Blynnyddoedd Cynnar a Gofal Plant. Gellir cael rhestr o ddarparwyr trwy gysylltu â Rheolwr Gwasanaeth Y Blynnyddoedd Cynnar ar 01286 678824

Dosbarth Meithrin Ysgol Rhan Amser

Mae'r Awdurdod yn cynnig lle meithrin rhan amser i blant mewn ysgol, yn y mis Medi yn dilyn eu trydydd pen-blwydd, am flwyddyn ysgol lawn. Yn yr ychydig ardaloedd ble nad yw'r Awdurdod yn darparu ar gyfer addysg plant yn y mis Medi yn dilyn eu pen-blwydd yn dair oed mewn dosbarth meithrin mewn ysgol, cynigir darpariaeth trwy gyllido lleoedd a ddarperir gan y grwpiau gwirfoddol h.y. Mudiad Ysgolion Meithrin a Grwpiau chwarae Cyn-Ysgol.

Dylid nodi nad yw penderfyniad i roi mynediad i blentyn i ddosbarth meithrin yn sicrhau lle yn nosbarth derbyn yr ysgol honno. Os bydd gormod o blant wedi ymgeisio am leoedd mewn dosbarth derbyn mewn unrhyw ysgol, bydd yr Awdurdod yn ystyried pob cais (yn cynnwys y plant hynny yn y dosbarth meithrin) yn unol â'r meini prawf gordanysgrifio a amlinellir isod.

Dosbarth Derbyn Llawn Amser

Mae'r Awdurdod yn cynnig i blant le llawn amser mewn dosbarth derbyn yn y mis Medi yn dilyn eu pen-blwydd yn bedair oed. Ble cynigir lle yn y flwyddyn derbyn, mae gan rieni y dewis o ohirio mynediad eu plentyn hyd yn nes ymlaen yn yr un flwyddyn ysgol hyd at y tymor yn dilyn pen-blwydd eu plentyn yn bump oed.

Gellir cynnig mynediad ynghynt i ysgol na'r hyn a gynigir o dan y polisi mynediad mewn achosion eithriadol, a gyfeirir am resymau penodol yng nghyd-destun Deddf Plant 1989 trwy'r:-

- (i) Gwasanaethau Cymdeithasol neu
- (ii) Swyddog Meddygol y Sector Perthnasol

Sut wyf yn ymgeisio am le mewn Ysgol?

Yr Adran Addysg yw awdurdod caniatâu mynediad yr ysgolion cymuned a'r rhai sydd o dan reolaeth wirfoddol ac mae'n gyfrifol am wneud penderfyniadau ynghylch mynediad. Nid oes gan benaethiaid yr ysgolion hyn unrhyw ran yn y broses fynediad ac ni fyddant yn trafod y lleoedd sydd ar gael. Rhaid cyflwyno'r holl geisiadau am fynediad i'r Awdurdod yn ysgrifenedig, gan ddefnyddio'r ffurflenni a ddarperir (ar gael yn yr ysgolion neu ar www.gwynedd.gov.uk/mynediadysgolion). Cadarnheir penderfyniadau hefyd yn ysgrifenedig. Ni all yr Awdurdod drafod argaeledd lleoedd dros y ffôn.

Rhoddir ystyriaeth cyfartal i bob dewis. Cewch eich annog i ddatgan mwy nag un dewis. Gallwch ddefnyddio dalen ar wahân i ddatgan mwy na thri. Os oes lle ar gael mewn mwy nag un ysgol, dim ond eich dewis cyntaf a gynigir i chi. Oni all yr

Awdurdod gynnig unrhyw un o'ch dewisiadau i chi, caiff unrhyw ddewis newydd a dderbynnir ei drin fel cais hwyr. Efallai na fydd yr Awdurdod yn gallu cynnig lleoedd i rai sy'n anfon ceisiadau yn hwyr os yw'r ysgolion hynny eisoes yn llawn.

Gan fod Corff Llywodraethol ysgolion gwirfoddol dan gymorth yn Awdurdod Mynediad, y Llywodraethwyr sy'n gyfrifol am roi mynediad i'r tair ysgol wirfoddol dan gymorth yng Ngwynedd.

Trosglwyddo o Ysgol Babanod i Ysgol Iau

Mae angen i rieni y mae eu plant ar fin gadael ysgol Babanod ymgeisio am le mewn ysgol arall. Nid oes cyswllt awtomatig rhwng ysgolion Babanod a Iau.

Pryd y dylwn ymgeisio?

Ffurflenni ar Gael Dyddiad Cau Hysbysu Rhieni

Meithrin Medi 2013 01/3/2014 02/05/2014

Derbyn Medi 2013 01/3/2014 02/05/2014

Babanod i Iau Medi 2013 01/3/2014 02/05/2014

Uwchradd Medi 2013 20/12/2013 07/02/2014

Mae'n hanfodol bod rhieni'n ymgeisio cyn y dyddiadau cau gan y cynigir lleoedd i'r rheini sydd wedi ymgeisio ar amser cyn unrhyw geisiadau hwyr, hyd yn oed os yw'r ceisiadau hwyr o'r dalgylch. Fodd bynnag, dan amgylchiadau eithriadol (e.e. salwch), gall yr Awdurdod ystyried ceisiadau hwyr sy'n cyrraedd cyn y gwneir cynigion.

Sut mae'r Awdurdod yn dyrannu lleoedd?

Mae'r Awdurdod yn gweithredu polisi dalgylchol ac fel arfer mae disgyblion yn mynychu'r ysgol yn y dalgylch y maent yn byw ynddi a ble bydd yr Awdurdod wedi gwneud darpariaeth o ran gofod, staffio ac adnoddau eraill yn cynnwys cludiant ysgol. Mae gan bob ysgol ddalgylch ddiffiniedig a gellir cael golwg ar fapiau swyddogol yn dangos y ffiniau, yn y Swyddfa Addysg neu yn yr ysgolion unigol.

Bydd yr Awdurdod yn cydymffurfio â dewis rhieni nes cyrraedd rhif mynediad yr ysgol. Mae mynediad i ysgolion cynradd yn amodol ar gyfyngu meintiau dosbarth i 30 os cafodd y rhif mynediad ei gyrraedd.

Beth os ceir mwy o geisiadau nag sydd o leoedd ar gael?

Gall yr Awdurdod roi mynediad i blant nes bod y nifer sy'n cael mynediad uwchben y rhif mynediad cyhyd nad yw derbyn yn effeithio'r ysgol yn y tymor hir a ddim yn cael effaith anafanteisiol ar Ysgolion cyfagos.

Ble mae mwy yn ymgeisio nag sydd o leoedd ar gael mewn ysgolion cymuned ac o dan reolaeth Wirfoddol, defnyddir y meini prawf gordanysgrifio isod i flaenoriaethu ceisiadau.

1. Rhoddir blaenoriaeth i blant sy'n derbyn gofal neu sydd wedi bod mewn gofal yn y gorffennol.
2. Bydd yr Awdurdod yn ystyried achosion sy'n cael eu cyfeirio at yr Awdurdod gan y Gwasanaethau Cymdeithasol neu Swyddog Meddygol y Sector perthnasol, ble mae angen rhoi mynediad i blentyn i ysgol oherwydd eu lles meddygol neu gymdeithasol

neu ble mae datganiad plentyn sydd ag anghenion addysgol arbennig yn enwi ysgol neilltuol.

3. Disgyblion sy'n byw o fewn dalgylch ddiffiniedig ysgol. Os ceir mwy o geisiadau o'r fath nag sydd o leoedd ar gael, caiff lleoedd eu blaenoriaethu gan ddefnyddio meini prawf 4-6 isod.

4. Disgyblion sydd ar hyn o bryd ac a fydd â brawd neu chwaer yn mynychu'r ysgol pan fo'r disgybl i fod i ddechrau yno (gan roi blaenoriaeth i blant sy'n byw agosaf at yr ysgol).

5. Disgyblion sy'n mynychu ysgol gynradd a gynhelir o fewn dalgylch yr ysgol uwchradd (gan roi blaenoriaeth i blant sy'n byw agosaf at yr ysgol). Mae'r maen prawf yma yn berthnasol i geisiadau i ysgol uwchradd yn unig.

6. Pellter cyfeiriad y cartref o gyfeiriad yr ysgol.

Os yw'r plentyn yn rhannu ei amser rhwng y ddau riant, cyfeiriad cartref plentyn at ddiben mynediad yw'r cyfeiriad ble mae ef/hi yn treulio'r rhan fwyaf o'r wythnos ysgol. Dylid sicrhau y caiff yr Adran Addysg ei hysbysu ynghylch unrhyw newidiadau cyfeiriad cyn ac ar ôl y dyddiad cau. Gellir tynnu'n ôl gynnig o le os canfyddir nad yw'r cyfeiriad a roddwyd yn ddilys.

Caiff pob pellter ei fesur yn ôl y pellter cerdded byrraf o ddrws ffrynt yr adeilad sy'n gartref i'r plentyn at fynedfa gydnabyddedig agosaf yr ysgol a chaiff ei fesur gan ddefnyddio systemau mapio digidol yr Awdurdod. Ni wahaniaethir yn erbyn disgyblion o du allan i'r Awdurdod Lleol o'u cymharu â disgyblion o Wynedd wrth ddefnyddio'r meini prawf pellter.

Mae brawd neu chwaer yn cynnwys hanner brawd/chwaer, llys frawd/chwaer, plant sydd wedi cael eu mabwysiadu a phlant maeth yn byw yn yr un teulu.

Mewn unrhyw achosion o efeilliaid neu enedigaethau lluosog eraill ble all yr Awdurdod ond cynnig rhai o'r lleoedd sydd eu hangen, gall y rhieni dderbyn y lleoedd sydd ar gael neu eu cadw ar agor hyd 31 Awst yn y gobaith y gall lleoedd eraill ddod ar gael o blith y rhestr aros.

Beth sy'n digwydd os gwrthodir lle i fy mhentyn?

Oni all yr Awdurdod gynnig lle i blentyn yn ystod cylch arferol mynediad, cedwir eu henw ar restr aros hyd 30 Medi. Os gwrthodir cais tu allan i gylch arferol mynediad, caiff enw'r plentyn ei ychwanegu at y rhestr aros hyd ddiwedd y tymor hwnnw. Dylai rhieni ail-ymgeisio yn ystod wythnos gyntaf y tymor canlynol i enw'r disgybl aros ar y rhestr aros am dymor arall.

Caiff lleoedd eu blaenoriaethu yn unol â'r meini prawf uchod ac nid yn ôl y dyddiad y cyflwynwyd cais am le yn wreiddiol. Ni all yr Awdurdod roi arwydd pa mor debygol ydyw y caiff lle ei gynnig oddi ar restr aros.

Gall rhieni hefyd apelio i banel annibynnol yn erbyn y penderfyniad i beidio â rhoi mynediad i'r plentyn. Mae dalen wybodaeth ynghylch yr apêl i'w gael gan yr Awdurdod. Nid oes hawl i apelio yn achos penderfyniad i wrthod lle rhan amser mewn dosbarth meithrin.

A allaf drosglwyddo fy mhlentyn yn ystod blwyddyn ysgol?

Dylai rhieni sy'n dymuno trosglwyddo eu plentyn o un ysgol i un arall, wneud cais gan ddefnyddio'r ffurflenni sydd ar gael gan yr ysgolion neu'r Adran Addysg, ond yn unig ar ôl trafodaeth lawn gyda'r ddau bennaeth sydd a wnelont â hyn, yn y lle cyntaf.

Fel rheol, cymer ceisiadau am drosglwyddiad rhwng un a thair wythnos i'w prosesu. Ar ôl rhoi caniatâd, gellir yna drafod yr union ddyddiad dechrau gyda'r ysgol. Fodd bynnag, caiff rhieni eu cynghori'n gryf i beidio â throsglwyddo disgyblion yn ystod y flwyddyn ysgol er mwyn osgoi tarfu ar eu cyrsiau yn yr ysgol.

Dymunaf ymgeisio am le mewn ysgol tu allan i Wynedd? Pa gamau y dylwn eu cymryd?

Dylai rhieni sy'n byw o fewn y Sir sy'n dymuno anfon eu plant i ysgol a gynhelir gan Awdurdod arall, geisio cael mynediad i ysgol o'u dewis trwy ddilyn y weithdrefn fynediad a osodir gan yr Awdurdod hwnnw.

Beth yw meini prawf gor-danysgrifio yr Ysgolion Gwirfoddol dan Gymorth? Ysgol Ein Harglwyddes ac Ysgol Santes Helen.

1. Plant mewn gofal.
2. Plant Catholig sydd wedi eu bedyddio o fewn y plwyfi mae'r ysgol yn eu gwasanaethu.
3. Plant Catholig sydd wedi eu bedyddio y tu allan i'r plwyfi y gall yr ysgol hon gwrdd yn briodol â'u hanghenion meddygol, addysgol neu fugeiliol.
4. Plant sydd â brawd neu chwaer yn mynychu'r ysgol ar yr adeg debygol y rhoddir mynediad.
5. Plant Enwadau Cristnogol eraill.
6. Plant o ffydd eraill.
7. Plant mae'r ALL wedi gofyn yn benodol am le yn yr ysgol iddynt.
8. Unrhyw blentyn arall.

Ysgol Beuno Sant.

1. Plant mewn gofal.
2. Plentyn gyda brawd neu chwaer yn bresennol yn yr ysgol yn y Medi hwnnw.
3. Rhieni y plentyn yn gymunwyr yr Eglwys yng Nghymru ac yn byw ym mhlwyf y Bala.
4. Rhieni y plentyn yn gymunwyr yr Eglwys yng Nghymru ac yn byw tu allan i blwyf y Bala.
5. Rhieni y plentyn yn aelodau o enwad Cristnogol.
6. Y plentyn yn byw yn nes at Ysgol Beuno Sant nag unrhyw ysgol arall.
7. Rhesymau meddygol, cymdeithasol neu addysgiadol pam y dylsai'r plentyn fynychu'r ysgol hon.
8. Unrhyw reswm pam y dylsai plentyn fynychu'r ysgol.